

《流星》

作者: Kenneth Wu

Powered by [紙言](#)

1==年少時的約定

係佈滿雪花嘅花園入面，一個男仔同一個細路女係到開心地玩樂著，突然，女仔停下腳步，對男仔講左一句「天哥哥，我大個咗之後要嫁比你！」。男仔停左一下，露出左俊美嘅笑容，「好呀，咁。。我第時都要娶你做我老婆」。

=====

8年後~~

「喂呀，天哥哥你好比翻我啦喎，份功課我聽日要交架」「咁咪唔好交囉，關我鬼事咩，你唔交比老師扣分姐，又唔係我比人扣分」「你！無賴！我打你架！！」「打呀打呀，傻女？！」突然，我下半身傳黎一陣強烈嘅痛感，「喂你真係打架？！喂你無陰公呀，拆人祠堂咁陰質嘅你」「哼！我唔理你呀衰人！」大鑊，今鋪玩大咗，我。。。好啦，就咁做啦，死就死！

突然，係流星佢轉身嗰一瞬間，有個高大嘅身影係後面企起身，一雙溫暖嘅手從後面攬住左佢，講左一句「係啦，我錯啦，原諒我啦好無」呢一句係幾咁溫柔，同平時嘅天哥哥簡直係判若兩人呀！流星佢心一軟，轉身話「咩呀，我叫游星呀，唔係你嗰啲咩流星呀，咩名黎架」「我話係流星就係流星啦傻妹」我一邊講，一邊緊緊咁抱實我眼前呢個可愛嘅女仔「天哥哥，聽日係咪好似有operation喎」「係呀，你想去咩衰女？？」「我先唔要呀，下下都要着住套SY-9周街走，唔通真係突登做比人睇咩，咁咪人人都知係我地囉」「點會放過你呀，緊係帶埋你去啦，This Is an ORDER!!

」一邊壞笑嘅我對住佢講左一句說話，今次你仲唔死！拆我祠堂拆得咁開心呀啦，抵你死！！！」

X.S.T. 檔案==001

X.S.T. (全名 XENORATOR-SPECIAL TACTICAL-TEAM)

為2021年香港實際上嘅司法，保安，執法及反恐機關，2019年，香港受到恐怖分子組織ISIS嘅襲擊，香港警察無力還擊，當時有一批人稱自己能夠解決問題，於2個月後，亦即2019年11月21日成功肅清最後一批ISIS，從此，香港警務處被解散，正式被X.S.T.取締成為香港嘅新警察。而一直都受到市民愛戴，對X.S.T.嘅服務感到由衷的滿意。

成員編制

X.S.T.嘅隊員編制系統分為14級，唔同職位擁有唔同嘅權限，以下係編制表(由最細到最大)

1==常規部隊。成員為正常隊員，曾經接受搏擊術，大部分為主要巡邏隊成員，少數能夠晉升為隊長或更高階級，正常情況下30人為一隊

2==隊長(常規)

。為常規部隊中表現較為出色嘅一批，經過面試後為正式隊長。接受搏擊術，藥物訓練，輕型槍械使用訓練(手槍，衝鋒槍)

3==總隊長(常規)

。為隊長再晉升之成員，轄下帶領5隊部隊進行任務。接受搏擊術，藥物訓練，輕型及中度槍械使用訓練(手槍，衝鋒槍，半自動步槍，射手步槍)

4==特殊部隊。為訓練學院出身之隊員，經過13個月嘅訓練同淘汰，最後選出每屆520名畢業生，分別進入260隊特殊部隊(現存237隊)

接受搏擊術，暗殺術，藥物訓練，毒藥使用技術，時間及速度控制能力，潛行術及正常槍械使用訓練(手槍，衝鋒槍，半自動步槍，射手步槍，突擊步槍，自動步槍，狙擊槍以及霧彈槍)

隊伍人數每隊不一。

5==隊長(特部)。資料與第4級成員一樣

6==黃制服。為高階特殊部隊成員，主要負責文書工作，共有350人

7==紅制服。為高階特殊部隊成員，主要負責監察黃制服成員，共有200人

8==綠制服。為領才學院(領導才能訓練學院)

嘅畢業生，每20個月為一屆，每屆總共有60位畢業生，全部進入綠制服工作。主要負責情報管理以及戰術輔助工作，共有120人

9==藍制服。為英靈學院畢業生，每32個月為一屆，每屆總共有24位畢業生，全部進入藍制服工作，主要負責反恐工作及統領其餘3色制服同埋所有特殊部隊成員，與另外3色制服合稱為四色制服，共有30人

10==鐵三角--保安。為最高領導人親自挑選嘅成員，職責係管理X.S.T.嘅日常運作，共有3人

11==鐵三角--行政。為最高領導人親自挑選嘅成員，職責係管理X.S.T.嘅行政架構，共有3人

12==鐵三角--指揮。為最高領導人親自挑選嘅成員，職責係指揮X.S.T.嘅常規部隊進行任務，共有3人

13==黑制服(英靈戰士)

。為X.S.T.內最高等級成員，身份及背景檔案被列為S+級機密，僅供<死神>查看，戰鬥技術出神入化，任何物件皆可作為其武器使用。另一稱呼為==決策者(因為X.S.T.最高管理實權已由<死神>轉交比黑制服)，共有12人，成員名單如下(代號):

01====毒蝎(陳旭天)

02====流星(游星)

03====幽靈

04====水晶

05====隕石

06=====撒旦

07=====狂魔

08=====泰坦

09=====天使

10=====新星

11=====暗影

12=====金花

14==<死神>。為X.S.T.最高領導人，但只留名義上嘅存在，管理實權已交由黑制服(英靈戰士)接手。共有1人

X.S.T.檔案==002

X.S.T. 內部專用術語

OPERATION=====意即特殊部隊或以上階級成員接手之行動，分為4級，分別係：

A-CLASS OPERATION==為特殊部隊日常嘅任務(內容為調查機密資料等)

S-CLASS OPERATION==為綠制服日常嘅任務(內容為特襲恐怖分子房屋等)

S+-CLASS OPERATION==為藍制服日常嘅任務(內容為暗殺罪犯頭目等)

X-CLASS

OPERATION==為黑制服專用之特殊任務，危險性極高，死亡率為99.9706%，但*報酬*亦都相當之高(內容為掃除犯罪活動，肅清恐怖分子及暗殺S級殺人犯等)

犯罪等級=====為X.S.T.用黎分級罪犯嘅體制，分為4級，如下：

Z級罪犯==犯下判刑期不足7年之罪犯

I級罪犯==犯下判刑期7年之罪犯

N級罪犯==犯下判刑期7年以上之罪犯

S級罪犯==犯下判刑期為終身監禁之罪犯

SIM CARD=====指代X.S.T.成員嘅入隊資格(專業證書)。總數為674張/16張(附加證書)/10張(特殊證書)。目前700張證書全部考核成功之X.S.T.成員名單如下：

1=====毒蝎(陳旭天)

2=====狂魔

3=====水晶

4=====<死神>

=====

X.S.T. 第一任<死神>署名

Leslie•Connor•Samson

.

.

.

.

.

.

.

.

.

.

.

請留意大階英文字母

EhdidghASjgvTheoEvdiRhdk EGjdodjG

.

..

...

....

.....

劇透注意

請留意第一任<死神>個名，故事後期會出現open mind情節，此名對大家嘅思考有幫助。@_@

2==X.S.T.S.L.發佈會

2021年9月19日，下午3時，香港會議展覽中心3樓A區

場地嘅正中間，有一個半圓形嘅講台，一批唔同嘅記者正係台下影相，準備將X.S.T.S.L.(Xenorator Special tactical Team Sentinel-class equipment Laboratory)嘅最新研究，人型輔助骨架機甲SY-10A搶先報道，而係台後，一個望落只有中四嘅少年係到睇緊電話，「喀嗒~」一個着住黑色晚裝嘅女仔入左黎，「博士，發佈會夠鐘開始啦」佢嘅黑色晚裝上標住一個蠍子徽章，「原來今次我嘅保鏢隊伍係毒蝎嘅直屬部隊S.T.S.，聽講係所有特殊部隊入面最出色嘅一隊啲」「哈哈，多謝讚賞啲博士」博士企左起身，對開度門行左出去。「博士，你最新研究嘅SY-10A係咪會即時投入服務架」「博士博士，到底你用左幾耐時間去研究呢套裝甲呀」「博士，請問得閒幫我地做個專訪嗎？」博士一出現，所有記者就好似蜜蜂見到蜜糖咁湧埋去發問，場面十分混亂。一個身影閃現係人群之中，望住台上嘅博士，佢諗左一陣「係時後去極樂世界報到啦，林樂行」隨後拎左一把加左消音器嘅M1911手槍出黎，行左入去嘉賓及保鏢專用通道。「喂，你係邊個呀呢到唔入得架啲」場地保安見有可疑，就行過去意圖進行檢查「-焦-」消音手槍嘅槍聲閃過，地下隨即多左2條眉心中槍嘅屍體，跟住，佢又繼續向前行，當佢去到盡頭，佢推開咗右邊嘅門，行出去台上，然後以利落嘅身法將台上嘅16位場地保安槍殺「喀---」「嗒---!

」清脆嘅聲音說明咗，殺手嘅手槍已經換完子彈，佢一手嘅起博士嘅衣領，一手準備開槍，「企係到！放開博士！投降！」「你已經被36枝槍瞄準住啦，無得走架啦，投降啦」「走？嘿嘿，我都無諗過要走，殺晒你地咪得囉。何況，我又唔係一個人」殺手吹咗一下口哨，門外隨即有24個西裝友衝出黎，全部手持MP5-AS衝鋒槍，「呢個時候嘅你地對我黎講已經無任何殺傷力啦」眼見佢就快開槍，但係自己又做唔到啲咩，36個女隊員只可以企係原地等死，此時，突然係殺手隊伍嘅後方，有啲不斷傳黎嘅聲音，啱啱由於太遠，所以聽唔清楚，但係而家。。。『轟!!!』有一個殺手嘅身影顯現於眾人眼前，不過，係穿過度5吋防爆鐵門嚟出黎，下半身仍然卡左係度門入面，一個少年同一個少女嘅身影分別企左係防爆門隔離同埋3樓保安觀察室到。「隊長！」

3==【墮落聖人】

「隊長！」見到少年後，36位少女面上同時出現甜美嘅笑容。「做乜搞到咁呀，明明我同流星行緊街，下一秒就比你班友仔冧我一鑊，又要我黎幫你地執手尾，唉~~~。流星，準備啦，12點4個，8點半12個。剩底8個加大佬我黎處理」知道，隊長大人~」流星拎出一枝同佢身型完全唔符合嘅M1901美國液壓式重型機槍，嚟住陳旭天所指嘅方向不斷掃射，而另一邊陳旭天已經輕而易舉地將8位專業殺手折斷頸椎，刀片劃喉同埋係3層樓高空扔落街，已經悉數死亡，「我搞掂。」「我都得啦」講完，陳旭天已經將一枝唔知幾時囉到嘅Remington870霧彈槍對準殺手嘅頭部「投降啦細路，無謂要我落手收你檔啦係咪，投降嘅話，你仲有可能可以唔使入赤柱度假，可以拎埋副身家隱性埋名嘆世界，唔投降嘅話我就只係可以殺咗你，何必呢？」「我收咗order架！我唔做佢地就殺咗我呀，你地都阻止唔到！！」「我以毒蝎嘅名義發誓，我可以令你得到解脫，唔會比追殺。」「真。。。真嘅？」「當然。我講嘅野，到而家仍然生效」「好。。。。。。好啦。。。咁。。。我。投降。」殺手嘅想法被動搖，所以決定反將自己組織一軍「好，咁。。。請你話比我聽，到底你係由咩組織派黎架」「我係由墮落聖人派黎嘅。」「墮落聖人？」「係近呢半年黎香港新崛起嘅地下勢力，專門經營賭錢事業，但係聽講3個月前接咗單大野，有神秘人用咗3億美金要我地轉行為殺手組織，幫佢做野，咁有錢無理由唔賺架嘛，所以我咪自告奮勇，做個爛頭卒，搞單大野佢嘆囉。」「得，明白晒。」『砰！』槍聲響起，一具頭部殘缺不全嘅屍體噍係地上面「我啱啱係話幫你解脫呀白痴仔，唔係放咗你呀」「翻去啦各位！博士你無事呀嘛」「無野」博士笑答。「MISSION ACCOMPLISHED。」陳旭天用冷淡嘅聲線講出呢句說話。「你地記得叫善後組黎處理呀下」隨即以公主抱嘅方式抱起流星離開會展中心，往地下嘅士站行去，「墮落聖人。。。我一定要起清楚你地底，然後再鏟除你班友！」陳旭天心中一邊咁諗，一邊安撫住流星因為近距離見到屍體嘅驚恐症狀。。。「翻屋企啦小星星。」翻到屋企，處理好晒所有野，食埋飯，今日呢場鬧劇亦都隨住互相擁抱入眠嘅兩人而終告落幕。。。

Sorry, 斷故成年咁濟，而家會重開

4==戰略會議

兩日後-----X.S.T. 總部大樓64樓會議室

「喂水晶你條八婆講邊個啊！你自己害死個VIP，跟住霖人個殺手又捉唔到，你仲好意思話我架喎。」今次開人拖個係隕石。。。」「係咁架啦，你堆男人全部都見到靚女就無晒反抗力，好似比人落左降頭咁，個VIP特登調走我地，點知條女係殺手啫，你咁叻你試吓啊牙簽仔！」水晶不甘示弱咁『回禮』。」「伊鴉~~」開門聲傳黎，映入眼簾嘅係一面嚴肅嘅陳旭天同「唔知點解滿面潮紅」嘅遊星。」「隊長！」所有人不約而同咁出聲回應，啱啱仲係度嘈交嘅兩位「野蠻人」即時回復原貌。」「我諗大家都知道早幾日林樂行博士比人襲擊個件事，而呢件事嘅幕後黑手。。。係近一兩年香港最大社團，墮落聖人，當然，而家佢地已經變成全香港最把炮嘅殺手組織，號稱十萬門生，不過我真係好想睇吓，呢十萬人，到底有幾襟殺。」」「我一定支持隊長大人嘅~嘻嘻~~」流星開口。」「我地都一定支持隊長。無論你要做咩，我地都會照做，唔會有一絲絲嘅遲疑」今次開口嘅，係幽靈，水晶，撒旦，狂魔同天使。」「你要打，我地點可以置身事外啊？隊長，I am in!」今次輪到新星，暗影，金花同埋泰坦。」「既然水晶條八婆都咁夠薑，咁我無理由做契弟匿埋一邊架係咪先，隊長我撐硬你架啦，要殺邊個話我知，我幫你滅佢全家。」隕石以佢自己認為非常霸氣嘅方式開口講野。」「咁今日就黎到呢到先，咁多位，我同流星仲有野要做，走先啦，你地自便啦吓，各回各家，各找各媽。」講完呢句，陳旭天就拖住遊星隻手，好sweet 咁離開左會議室啦。

至於仲係入面個十個啦喎。。。。。。

「喂喂喂，你話邊個八婆啊，牙簽仔」水晶繼續啱啱未嘈完嘅交。」「你啊，講緊你啊，八婆，八~~~~~婆，聽得清唔清楚啊，使唔使我唱到成個52樓都知啊死八婆！」隕石比人挑中痛處，強硬地插翻水晶一句。」「唉，仆街啦，又黎鳥」另外嘅八個人如此心諗。

X.S.T.檔案==003

用戶登入

XSTDEATH01

密碼

G10RY707H3X3N0R470R5

警告！以下資料只供查閱等級SSS 或以上人員查詢

毒蝎 (陳旭天)

戰力評估 : Grade 3X+

家人 : 陳天凌「父」(已死), 梁芯靖 [母] (已死)

基因模組注射 :

已注射

C 型基因組別藥劑 注射時間 2015年11月17日

A 型基因組別藥劑 注射時間 2018年1月3日

S 型基因組別藥劑 注射時間 2018年1月27日

X 型基因組別藥劑 注射時間 2019年12月29日

SeNtRY III 哨兵3型納米基因重塑血清 注射時間 2019年12月29日

BErsEkeR X-1 狂暴者 X-1 實驗型幹細胞血清 注射時間 2019年12月30日

行動中注射 (違反X.S.T. 行動守則)

X-0 異化病毒注射劑 注射時間 2020年1月2日晚上11時34分

弱點 :

此人與決策者02 流星 關係極其親密，有效地利用兩人關係會成為X.S.T. 道路上一大戰力

同時，毒蝎對於與流星相關之事件極為緊張，假如將來毒蝎叛變，流星可成為談判籌碼

檔案完結

Memory fragment 1

「砰！」巨大嘅爆炸聲傳入耳中，大鑊，我隻耳開始耳鳴。。。

「隊。。。隊長！隊長！你有嘢呀？」A...Aerial? 呢個時候佢唔係應該係自己個team
間房架咩？仲要叫我隊長？

咪住，呢度。。。咪係HQ 嘅地下設施 西區入口？頂，我到底係邊。。。

望住眼前嘅每樣野，每個人，我暫時估到發生咩事，我應該係諗翻起2年前總部攻防戰嘅畫面，係唔
知點解我會有意識咁發夢啫，講開又講，我。。。對於呢場戰事，好似無咩記憶咁。。。

砰！

另一聲爆炸聲傳黎。

「天哥哥！」呢個係。。。流星把聲？

「天哥哥！醒啦！再唔醒我踢你架啦！」擘開眼，望到嘅係。。。。。天花板???

天花板？

我喺咁唔係仲係回憶入面架咩？

睇黎要搵時間好好咁了解吓到底發生乜事，點解我會有呢啲回憶，明明印象中無經歷過，但係諗起黎
又係如此真實。。。